


Breyting á skipulagi



Þann 1. september s.l. tók gildi breyting á skipulagi rekstrarsviðs. Deildin „Þjónustumiðstöð og vörustjórnun“, sem innihélt flutningaþjónustu, símaþjónu og öryggi hefur verið skipt upp í tvær deildir. Önnur heitir flutninga- og símaþjónusta og er Gylfi Skarphéðinsson deildarstjóri. Hin heitir öryggi og er Pálmi Þ. Ævarsson deildarstjóri.

Mannabreytingar



Ásdís Ingpórsdóttir, arkitekt, hefur verið ráðin verkefnastjóri í hálfu starfi á skrifstofu fasteigna. Hún hefur á undanföllum árum komið að undirbúningi nýs spítala sem sjálfstætt starfandi ráðgjafi og mun halda því áfram. Við bjóðum Ásdísi velkomna til starfa.



Gísli Helgason hefur verið ráðinn tímabundið sem verkstjóri flutningaþjónustu á Hringbraut. Gísli hefur undanfarin ár leyst af sem verkstjóri á sumrum og þegar þurft hefur þess utan.



Gunnar Ágúst Arnórsson, öryggisvörður í Fossvogi, lét af störfum í ágúst sl. Hann fór til starfs sem húsvörður í Flataskóla Garðabæ. Við færum Gunnari þakkið fyrir samstarfið.

Nóg að gera í viðhaldinu

Viðhalds- og fasteignadeildir hafa unnið að allmörgum viðhalds- og breytingaverkefnum það sem af er ári. Utanhúss er unnið að viðgerðum á fyrsta hluta þaks þvottahússins á Tunguhálsi, þök tveggja bygginga á Kleppi voru máluð og eins er viðgerð á skorsteini ketilhússins á Hringbraut að ljúka.

Í Fossvogi var innréttað nýtt bráðaherbergi á bráðamóttökunni. Á E4 hafa verið innréttadar skrifstofur þar sem áður var dauðhreinun og á B3 er unnið að því að breyta innréttingu innsta hluta deildarinnar til þess að göngudeild geti fengið aukið rými. Auk þess eru fyrirhugaðar breytingar í skálarymi 3. hæðar til þess að styðja við breytingar í göngudeildarstarfsemi.

Á Hringbraut náðist með samhentun átaki allra hlutaðeigandi að gera miklar endurbætur á deild 32C á geðsviði á aðeins mánaðartíma sem deildin var lokuð í sumar. Breytingum á speglunardeild á 11D er að ljúka, en þar fjölgaði starfsmönnum frá 1. september. Á sængurlegugangi í kvennadeildarhúsi er unnið að breytingum og heildarendurnýjun á seinni hluta, en fyrri hlutinn var endurnýjarður

fyrir um 2 árum. Ýmis fleiri verkefni eru í gangi eða fyrirhuguð í haust.

Viðhalds- og fasteignadeildir eiga samstarf við ýmsar opinberar eftirlitsstofnanir um endurbætur og uppfærslur á húsnæði spítalans og aðstöðu starfsmanna. Það er ástæða til að nefna sérstaklega gott samstarf við Slökkvilið höfuðborgarsvæðis, en í samvinnu við forvarnadeild Slökkviliðsins hefur verið tekið á mörgum málum sem þörfuðust aðgerða. Eitt af því sem er áttak í að fækka "falsboðum", þ.e.a.s. Aðgerðir sem miða að því að brunaviðvörðunarkerfi spítalans séu ekki að senda boð um eld, þegar enginn eldur er.

Spítalinn er í skilyrðislausum forgangi hjá slökkviliðinu og þess vegna þýðir brunaboð að lið er umsvifalaust sent af stað í öllum herklæðum á neyðarhraða. Sem betur fer er nánast alltaf um "falsboð" að ræða og þá er ávallt leitað skýringa á boðinu. Stundum finnst ekki skýring, það skrifast á bilun í kerfinu. Því miður er hins vegar allt of algengt að boðin skýrast t.d. af brunnu brauði í brauðrist eða öðru slíku, sem hefði mátt koma í veg fyrir með meiri aðgæslu.

Mannabreytingar



Gunnar Kjartansson, sem hefur verið í harðsnúnu og frísku teymi sjúkraflutningamanna í flutningaþjónustu á Hringbraut, hefur flutt sig um set yfir á Geðdeild. Við óskum Gunnari vel-
farnaðar á nýja staðnum.



Hjalti Kristjánsson hefur verið ráðinn í flutningaþjónustu á Hringbraut. Hann kemur í stað Péturs Sigurðssonar sem hætti hjá okkur fyrr í sumar. Meginverkefni Hjalta verða póst- og sýnaflutningar en hann mun að sjálf-sögðu sinna öðrum flutningum eins og þörf krefur hverju sinni. Við bjóðum Hjalta velkominn í hópin.



Ludvig Carl Hilmarsson (Lúlli), sem verið hefur lengi verkstjóri í flutningaþjónustu á Hringbraut, ákvað að skipta um gir og tók um síðustu mánaða-
mót við starfi öryggisvarðar í Fossvogi.



Sigurbjörg Sigurðardóttir, kortaritari í eldhúsi, hefur látið af störfum vegna aldurs eftir um tveggja áratuga starf. Sigurbjörgu eru þakkað kærlega fyrir ánægjulegt samstarf og vel unnin störf.



Steinunn Ásta Lárusdóttir, sem hefur starfað árum saman hjá eldhúsi, nú síðast sem verkefna-
stjóri verkefna tengdum gæðamálum, er búin að taka við starfi rekstrarstjóra ræstinga hjá þvottahúsi og ræstingaþjónustu.



Valur Sveinbjörnsson, sem verið hefur rekstrar-
stjóri ræstingar, fluttist nýlega yfir í viðhalds-
deildina og tók við stöðu rekstrarstjóra lagna og loftræstinga.

Gísli er alvöru safnari



Hann Gísli J. Sigurðson, rekstrarstjóri í þvottahúsi á ótrúlegt safn eldspýtnabréfa og –stokka sem hann hefur safnað af þrautseigju frá því 1960 eða þar um bil. Hann hélt nákvæma tölu yfir fjöldann í safninu þar til hann var kominn upp í 100.000 stk. en hefur eftir það bara talið safnmöppurnar sem eru nú orðnar 144 talsins. Í safninu eru mörg fágæt eintök. Sumt fór aldrei á markað, eins og t.d. eldspýtnabréf sem hönnuð voru í tilefni af skákeinvígi Fisher og Spassky hér um árið.

Eins og sönnnum safnara sæmir leggur Gísli mikið upp úr að afla upplýsinga um myndefnið á bréfunum með bréfaskriftum og tölvupóst-
sendingum til fyrirtækja og annarra safnara.



Haustrátið hjá eldhúsi

Haustrátið starfsmanna eldhússins verður haldin í októ-
ber. Þessi árlegi viðburður hefur alla tíð verið vel sóttur og er ekki búist við öðru en svo verði einnig raunin nú. Nánar auglýst þegar nær dregur!

